

# Diez porciento destina pa personanan cu no ta huma Holiday Inn ta bira Hotel mas grandi na Aruba

## Na December lo habri ala nobo di 215 camber

ORANJESTAD(AAN)--

Na momento cu e ala nobo di 215 camber keda cla, Holiday Inn lo bira e hotel mas grandi di Aruba. E extension lo permiti tambe pa ofrece cambenan,

den cual nunca hende a cende un cigarra, esta cambenan destina pa personanan cu no ta huma.

Segun obhetivo di Holiday Inn, na December lo habri e ex-

tension di 215 camber. E cambenan, construi den e tercer fase di e hotel, lo ta di categoria superior, luho y diez porciento lo ta destina pa personanan cu no ta huma. E ultimo punto aki ta bira uno importante den turismo, ya cu na Merca especialmente, por mira mas y mas cu publico no humador kier tin su lugarnan caminda e no ta worde confronta cu holor di huma. Tambe tin persona alergico pa huma di cigarra.

Na momento cu e extension di Holiday Inn keda termina, e

cantidad di cambenan lo alcanza un total di 602, cu ta haci Holiday Inn e hotel mas grandi di Aruba.

Mientrastanto 62 camber ta worde remodela y 2 Millon Dollar ta worde inverti den mehoramento di e facilidatnan presente.

Esaki lo inclui mas facilidad pa laundry, expansion di cushina, mientras e lobby lo worde completamente remodela.

Seis canchi nobo di tennis lo worde introduci incluso un

cancha cu ta cumpli cu tur requisitonan internacional pa tene wega.

Recientemente a habri un Mistral Boardsailing na e hotel, cu ta ofrece un variedad completo di facilidatnan di watersports. Asina turistanan por goza di un pakete di buceo y windsurfing.

Otro plannan di Holiday Inn ta inclui un cafetaria, centro di actividad, games room y facilidatnan pa un club di tennis.

DIARIO. - (DIAHUEBS 23 JUNI 1988), P.5